

52 *In Festo S. Philippi Nérii.*

Dignare Dómine die isto : sine peccáto nos custodire.

Miserere nostri Dómine , miserere nostri.

Fiat misericórdia tua Dómine super nos : quemádmodùm sperávimus in te.

In te Dómine sperávi : non confundar in ætérnum.

AD LAUDES. ¶.

DEUS in adjutórium meum inténde.
R. Dómine ad adjuvándum me festina.

Glória Patri. Sicut erat. Alleluia.

Aña. De excélsō misit ignem in óssibus meis , & eruditivit me.

Psalmus 92.

Dominus regnávit, decórem indūtus est : * indūtus est Dóminus fortitudinem, & præcínxit se.

Etenim firmávit orbem terræ , * qui non commovébitur.

Paráta sedes tua ex tunc : * à sǽculo tu es.

Elevavérunt flúmina Dómine : * ele-va-

In Festo S. Philippi Nérii. 53

vavérunt flúmina vocem suam.

Elevavérunt flúmina fléctus suos , * à vócibus aquárum multárum.

Mirábles elatiónes maris , * mirábilis in altis Dóminus.

Testimónia tua credibília facta sunt nimis : * domum tuam decet sanctítudo Dómine in longitúdinem diérum.

Glória Patri. Sicut erat.

Aña. De excélsō misit ignem in óssibus meis , & eruditivit me.

Aña. Concáluit cor meum intrà me, & in meditatióne mea exardéscet ignis.

Psalmus 99.

Jubiláte Deo omnis terra : * servite Dómino in lætitia.

Introíte in conspéctu ejus , * in exultatióne.

Scítote , quóniam Dóminus ipse est Deus : * ipse fecit nos , & non ipsi nos.

Pópulus ejus , & oves páscae ejus : * introíte portas ejus in confessióne , átria ejus in hymnis : confitémini illi.

Laudáte nomen ejus : quóniam suávis est Dóminus , in ætérnum misericórdia ejus , * & usque in generatióнем , & ge-

D 3 ne-

54 In Festo S. Philippi Nérii.
nerationem veritas ejus.

Glória Patri. Sicut erat.

Aña. Concáluit cor meum intrà me,
& in meditatione mea exardescet ignis.

Aña. Cor meum, & caro mea exul-
taverunt in Deum vivum.

Psalmus 62.

D EUS Deus meus * ad te de luce ví-
gilo.

Sitivit in te áнима mea, * quām mul-
tipliciter tibi caro mea.

In terra desérta, & ínvia, & in-
aquósa : * sic in sancto appárui tibi, ut
vidérem virtutem tuam, & glóriam
tuam.

Quóniam mélior est misericórdia tua
super vitas : * lábia mea laudábunt te.

Sic benedicam te in vita mea : * &
in nómine tuo levábo manus meas.

Sicut ádipe, & pinguédine repleátur
ánima mea : * & lábiis exultatiónis lau-
dábit os meum.

Si memor fui tui super stratum meum,
in matutínis meditábor in te : * quia fuí-
ti adjátor meus.

Et in velaménto alárum tuárum exul-

tá-

In Festo S. Philippi Nérii. 55
tábo, adhésit ánima mea post te : * me
suscépit déxtera tua.

Ipsi verò in vanum quæsiérunt áni-
mam meam, introibunt in inferiòra ter-
ræ : * tradéntur in manus gládii, par-
tes vúlpium erunt.

Rex verò lætabitur in Deo, laudabún-
tur omnes qui jurant in eo : * quia obs-
trúcum est os loquéntium iniqua.

Hic non dicitur Glória Patri.

Psalmus 66.

D EUS misereáatur nostri, & benedi-
cat nobis : * illúminet vultum
suum super nos, & misereáatur nostri.

Ut cognoscámus in terra viam tuam: *
in ómnibus géntibus salutare tuum.

Confiteántur tibi pópuli Deus: * con-
fiteántur tibi pópuli omnes.

Lætentur, & exáltent gentes: * quó-
niám júdicas pópulos in æquitáte, &
gentes in terra dírigis.

Confiteántur tibi pópuli Deus: confi-
teántur tibi pópuli omnes: * terra dedit
fructum suum.

Benedicat nos Deus, Deus noster, be-
nedicat nos Deus: * & métuant eum om-

56 In Festo S. Philippi Nérii.

nes fines terræ.

Glória Patri. Sicut erat.

Aña. Cor meum , & caro mea exulta-
vérunt in Deum vivum.

Aña. Faſtus est in corde meo quā
ignis exāstuans , & defecī ferre nōn sū-
tinens.

Cánticum trium puerōrum.

Daniélis 3. e.

Benedicite ómnia ópera Dómini Dó-
mino : * laudáte , & superexaltáte
eum in sécula.

Benedicite Angeli Dómini Dómino : *
benedicite cœli Dómino.

Benedicite aquæ omnes , quæ super
cœlos sunt , Dómino : * benedicite om-
nes virtutes Dómini Dómino.

Benedicite sol , & luna Dómino : * be-
nedicite stellæ cœli Dómino.

Benedicite omnis imber , & ros Dómi-
no : * Benedicite omnes spíritus Dei Dó-
mino.

Benedicite ignis , & æstus Dómino : *
benedicite frigus , & æstus Dómino.

Benedicite rores , & pruina Dómino : *
benedicite gelu & frigus Dómino.

Be-

In Festo S. Philippi Nérii. 57

Benedicite gláicies , & nives Dómino : *
benedicite noctes , & dies Dómino.

Benedicite lux , & tenebrae Dómino : *
benedicite fulgura , & nubes Dómino.

Benedic terra Dóminum : * laudet,
& superexaltet eum in sécula.

Benedicite montes , & colles Dómino : *
benedicite univérsa germinantia in terra
Dómino.

Benedicite fontes Dómino : * benedici-
te mária , & flúmina Dómino.

Benedicite cete , & ómnia , quæ mo-
vēntur in aquis , Dómino : * benedicite
omnes vólucres cœli Dómino.

Benedicite omnes béstiae , & pécora
Dómino : * benedicite filii hóminum Dó-
mino.

Benedic Israël Dóminum : * laudet,
& superexaltet eum in sécula.

Benedicite sacerdótes Dómini Dómino :
* benedicite servi Dómini Dómino.

Benedicite spíritus , & ánime justorum
Dómino : * benedicite sancti , & húmiles
corde Dómino.

Benedicite Ananía , Azarfa , Misaël
Dómino : * laudáte , & superexaltáte eum
in

58 In Festo S. Philippi Nérili.
in sécula.

Benedicámus Patrem , & Fílium cum sancto Spíritu: * laudémus , & superexaltémus eum in sécula.

Benedictus es Dómine in firmaménto cœli : * & laudábilis , & gloriósus , & superexaltátus in sécula.

Hic non dicitur Glória Patri.

Ana. Factus est in corde meo quasi ignis exæstuans , & deféci ferre non sús-tinens.

Ana. Defécit caro mea , & cor meum , Deus cordis mei , & pars mea Deus in atérnum.

Psalmus 148.

LAUDÁTE DÓMINUM DE CŒLIS : * LAUDÁTE EUM IN EXCÉLISIS.

Laudáte eum omnes Angeli ejus : * laudáte eum omnes virtútes ejus.

Laudáte eum sol , & luna : * laudáte eum omnes stellæ , & lumen.

Laudáte eum cœli cœlōrum : * & aquæ omnes , quæ super cœlos sunt , laudent nomen Dómini.

Quia ipse dixit , & facta sunt : * ipse mandávit , & créata sunt.

Stá-

In Festo S. Philippi Nérili. 59

Státuit ea in atérnum , & in sǽculum séculi : * præcéptum pósuit , & non præ-terbit.

LAUDÁTE DÓMINUM DE TERRA , * dracónes , & omnes abyssi.

IGNIS , grando , nix , gláicies , spíritus procellárum : * quæ fáciunt verbum ejus.

Montes , & omnes colles : * ligna fructifera , & omnes cedri.

Béstiae , & univérsa pécora : * serpentes , & vólucres pennatæ.

Reges terræ , & omnes pôpuli : * príncipes , & omnes júdices terra.

Júvenes , & vírgines , senes cum ju-niòribus laudent nomen Dómini : * quia exaltátum est nomen ejus solius.

Conféssio ejus super cœlum , & ter-ram : * & exaltávit cornu pôpuli sui.

Hymnus ómnibus sanctis ejus : * filii Israël , pôpulo appropinquánti sibi.

Hic non dicitur Glória Patri.

Psalmus 149.

CANTATE DÓMINO CÁNTICUM NOVUM : * LAUS EJUS IN ECCLÉSIA SANCTORUM.

Lætétur Israël in eo , qui fecit eum : * & filii Sion exultent in rege suo.

Lau-

60 *In Festo S. Philippi Nérii.*

Laudent nomen ejus in choro: * in tympano , & psalterio psallent ei.

Quia benelácitum est Dómino in populo suo : * & exaltabit mansuetos in saltem.

Exaltábunt sancti in glória : * lætabuntur in cubilibus suis.

Exaltationes Dei in gátture eorum : * & gládii ancípites in manibüs eorum:

Ad faciéndam vindictam in natióibus : * increpatiōnes in populis.

Ad alligándos reges eorum in compéndiis : * & nóbiles eorum in manicis férreis.

Ut fácient in eis iudicium conscríptum : * glória haec est ómnibus sanctis ejus.

Hic non dicitur Glória Patri.

Psalmus 150.

LAUDATE DÓMINUM IN SANCTIS EJUS : * laudáte eum in firmamento virtutis ejus.

Laudáte eum in virtutibus ejus : * laudáte eum secundum multitúdinem magnitudinis ejus.

Laudáte eum in sono tubæ , * laudáte eum

In Festo S. Philippi Nérii. 61

eum in psalterio , & cithara.

Laudáte eum in tympano , & choro: * laudáte eum in chordis , & órgano.

Laudáte eum in cymbalis benesonantibus : laudáte eum in cymbalis jubilatiōnis : * omnis spíritus laudet Dóminum.

Glória Patri. Sicut erat.

Aña. Defecit caro mea , & cor meum, Deus cordis mei , & pars mea Deus in aeternum.

Capitulum. *Rom. c. 5. a*

CHÁRITAS Dei diffusa est in cordibus nostris per inhabitantem Spíritum ejus in nobis.

R. Deo grátias.

Hymnus.

CELÓRUM DÓMINO DUM SACRA MUNERA

Libabat Nérius , sépius advolans,
Tellúrem rápido córpore déserit,
Christo fiat ut óbvius.

Illi non rútilans púrpura Príncipum
Sacrorum téguumen , non rubra Pílei
Majestas plácut , cui plácat única
Vestis cándida Vírginum.

Ægrótus Maríae dans pia bráchia

Col-

62 *In Festo S. Philippi Nérii.*

Collo Virgíneo fertur in áëra,
Intro ceu cíperet posse cubículum
Duci Matris in árduum.
Corpus deseruit cum Deus Hóstia
Fertur sub níveæ tégmíne cónditus,
Prudens in Pátriam pérgeré spléndido
Nolens absque Viático.
Almae sit Triadi glória pépetim,
Quam Cælum, bárathrum, terráque
súscipit,
Quæ nobis Nérii det prece júgia
Dulcis gáudia Pátria. Amen.
¶. Cháritas Dei diffusa est in córdibus
nostris.
¶. Per Spíritum Sanctum, qui datus
est nobis,

Ad Benedic̄tus.

Aña. Hæc est cháritas Dei, ut man-
dáta ejus custodiámus, & mandáta ejus
grávia non sunt.

Cánticum Zacharíæ. Luc. 1. g.
BEnedictus Dóminus Deus Isræl, *
quia visitávit, & fecit redemptio-
nem plebis suæ.

Et eréxit cornu salútis nobis: * in do-
mo David pueri sui.

Si-

63 *In Festo S. Philippi Nérii.*

Sicut locútus est per os sanctórum, *
qui à século sunt, Prophetarum ejus:

Salútē ex inimicis nostris, * & de
manu ómnium, qui odérunt nos:

Ad faciéndam misericórdiam cum pá-
tribus nostris: * & memorári testamén-
ti sui sancti.

Jus jurándum, quod jurávit ad Abra-
ham patrem nostrum, * datírum se no-
tis:

Ut sine timore, de manu inimicórum
nostrorum liberáti, * serviámus illi.

In sanctítate, & justítia coram ipso, *
6mnibus diébus nostris,

Et tu puer, Prophéta Altíssimi vocá-
beris: * præbís enim ante fáciem Dó-
mini paráre vias ejus:

Ad dandam sciéntiam salútis plebi
ejus: * in remissiónen peccatórum eó-
rum:

Per víscera misericórdiae Dei nostri: *
in quibus visitávit nos, óriens ex alto.

Illuminare his, qui in tenebris, & in
umbra mortis sedent: * ad dirigéndos
pedes nostros in viam pacis.

Glória Patri. Sicut erat.

Aña.

Aña. Haec est cháritas Dei , ut man-
dáta ejus custodiámus , & mandáta ejus
grávia non sunt.

¶. Dóminus vobiscum.

R. Et cum Spíritu tuo.

Orémus.

Orátiō.

DEUS , qui Beátum Philippum Con-
fessorem tuum sanctórum tuórum
glória sublimásti : concéde propítius , ut
cujus solemnitáte lætamur , ejus virtútum
proficiámus exémplo. Per Dóminum nos-
trum.

¶. Dóminus vobiscum.

R. Et cum spíritu tuo.

¶. Benedicámus Dómino.

R. Deo grátiás.

¶. Fidélium ánime per misericórdiam
Dei requiéscant in pace.

R. Amen.

*Si post Laudes absolvátur Offícium,
dicitur Antiphona Salve Regina,*

AD

AD PRIMAM.

Pater noster , Ave María , Credo. ¶.

DEUS in adjutórium meum inténde.
¶. Dómine ad adjuvándum me fes-
tina.

Glória Patri. Sicut erat.

Hymnus.

JAM lucis orto fidere
Deum precémur supplices,

Ut in diúrnis áctibus

Nos servet à nocéntibus.

Línguam refrénans témeret,

Ne litis horror ísonet:

Visum fovéndo cóntegat,

Ne vanitátes háuriat.

Sint pura cordis íntima,

Absístat & vecordia;

Carnis terat supérbiā

Potus cibique párcitas.

Ut cum dies abscésserit,

Noctémque sors redíxerit,

Mundi per abstinentiam

Ipsi canámus glóriam.

E

Deo

Deo Patri sit glória,
Ejusque soli Fílio,
Cum Spíritu Paráclito,
Nunc, & per omne sǽculum.
Amen.
Aña. De excélo.

Psalmus 53.

DEUS in nómine tuo salvum me fac:
* & in virtute tua júdica me.
Deus exáudi oratióne meam: * áu-
ribus pércepe verba oris mei.
Quóniam aliéni insurrexérunt adver-
sùm me, & fortes quæsiérunt ánimam
meam: * & non proposuérunt Deum an-
te conspéctum suum.
Ecce enim Deus ádjuvat me: * & Dó-
minus suscéptor est ánimæ meæ.

Avérte mala inimicis meis, * & in
veritáte tua dispérde illos.

Voluntáriè sacrificábo tibi, * & con-
fitébor nómini tuo Dómine: quóniam bo-
num est:

Quóniam ex omni tribulatióne eripuís-
ti me: * & super inimicos meos despéxit
óculus meus.

Glória Patri. Sicut erat.

Psal-

BÉati immaculáti in via: * qui ám-
bulant in lege Dómini.
Béati, qui scrutántur testimónia ejus: *
in toto corde exquirunt eum.
Non enim qui operántur iniquitatē: *
in viis ejus ambulavérunt.

Tu mandásti * mandáta tua custodíri
nimir.

Utinam dirigántur viæ meæ, * ad cus-
todiéndas justificatiónes tuas.

Tunc non confundar, * cum perspé-
xero in ómnibus mandátis tuis.

Confitébor tibi in directiōne cordis: *
in eo quòd dídici iudicia justitiæ tuæ.

Justificatiónes tuas custódiam: * non
me derelíquas usquequāque.

In quo córrigit adolescéntior viam
suam? * in custodiéndo sermónes tuos.

In toto corde meo exquisivi te: * ne
repéllas me à mandátis tuis.

In corde meo abscondí eloquia tua: *
ut non peccem tibi.

Benedictus es Dómine: * docc me jus-
tificatiónes tuas.

In lábiis meis, * pronuntiávi ómnia ju-
dí-

dicia oris tui.

In via testimoniōrum tuōrum delectātus sum , * sicut in ómnibus divītiis.

In mandatīs tuis exercēbor : * & considerābo vias tuas.

In justificatiōnibus tuis meditābor : * non oblīscar sermōnes tuos.

Glória Patri. Sicut erat.

R Etribue servo tuo , vivifica me : * & custódiam sermōnes tuos.

Revélā oculos meos : * & considerābo mirabilia de lege tua.

Incola ego sum in terra : * non abscondas à me mandata tua.

Concupivit áнима mea desiderāre justificatiōnes tuas , * in omni tempore.

Increpāsti supérbos : * maledicē qui declināt à mandatīs tuis.

Aufer à me opprōrium , & contémpnum : * quia testimónia tua exquisivi.

Etenim sedérunt Príncipes , & advérsum me loquebántur : * servus autem tuus exercēbatūr in justificatiōnibus tuis.

Nam & testimónia tua meditatio mea est : * & consilium meum justificatiōnes tute.

Ad-

Adhésit pavimēto áнима mea : * vivifica me secundūm verbum tuum.

Vias meas ennuntiāvi , & exaudisti me : * doce me justificatiōnes tuas.

Viam justificatiōnūm tuārum instrue me : * & exercēbor in mirabilibus tuis.

Dormitāvit áнима mea præ tādio : * confirma me in verbis tuis.

Viam iniquitatis ámove à me : * & de lege tua miserere mei.

Viam veritatis elégi : * judicia tua non sum oblitus.

Adhæsi testimoniis tuis Dómine : * noli me confundere.

Viam mandatōrum tuōrum cucurri , * cum dilatāsti cor meum.

Glória Patri. Sicut erat.

Aña. De excélo misit ignem in ossibus meis , & eruditivit me.

Capitulum. 1. Tim. 1. d.
R Egi sœculōrum immortali , & invisibili , soli Deo honor , & gloria in sœcula sœculōrum. Amen.

R. Deo grātias.

R. breve. Christe Fili Dei vivi , * miserere nobis.

E 3

Et

70 In Feste S. Philippi Nérii.

Et repetitur Christe Fili Dei vivi, miserere nobis.

℣. Qui sedes ad dexteram Patris.

℟. Miserere nobis.

℣. Glória Patri, & Fílio, & Spirítui Sancto.

℟. Christe Fili Dei vivi, miserere nobis.

℣. Exúrge Christe, áduva nos.

℟. Et libera nos propter nomen tuum.

℣. Dóminus vobíscum.

℟. Et cum Spíritu tuo.

Oráatio.

Domine Deus omnípotens, qui ad principiúm hujus diéi nos pervenire fecísti: tua nos hódie salva virtute; ut in hac die ad nullum declinémus peccátum, sed semper ad tuam justitiam faciéndam nostra procédant elóquia, dirigántur cogitatiónes, & ópera. Per Dóminum nostrum.

℣. Dóminus vobíscum.

℟. Et cum Spíritu tuo.

℣. Benedicámus Dómino.

℟. Deo grátiás.

Defnde in Choro légitur Martyrolo-

gium.

In Feste S. Philippi Nérii. 71

gium. Póstea Hebdomadárius dicit:

℣. Pretiosa in conspéctu Dómini.

℟. Mors Sanctórum ejus.

Et absolute sine Orémus. *Orálio.*

Sancta María, & omnes Sancti intercedant pro nobis ad Dóminum: ut nos mereámur ab eo adjuvári, & salvári, qui vivit, & regnat in sécula sæculórum.

℟. Amen.

℣. Deus in adjutórium meum inténde.

℟. Dómine ad adjuvándum me festina.

Et dícitur ter: *último additur*

Glória Patri. *Sicut erat.*

Kýrie éléison.

Christe éléison.

Kýrie éléison.

Pater noster, *secreto.*

℣. Et ne nos indúcas in tentatióne.

℟. Sed libera nos à malo.

℣. Réspice in servos tuos Dómine, &

in ópera tua, & dirige filios eórum.

℟. Et sit splendor Dómini Dei nostri

super nos, & ópera mánuum nostrárum

dírige super nos, & opus mánuum nos-

trárum dírige.

E 4

℣.

72 In Festo S. Philippi Nérii.

℣. Glória Patri.

R. Sicut erat.

Orémus.

Orálio.

Dirígere & sanctificare, régere & gubernare dignare Dómine Deus Rex cœli, & terræ, hodie corda, & cōpora nostra, sensus, sermōnes, & actus nostros in lege tua, & in opéribus mandatōrum tuōrum: ut hic, & in ætérnum, te auxiliante, salvi, & liberi esse mereāmur, Salvátor mundi: qui vivis, & regnas in sécula sœculōrum.

R. Amen.

℣. Jube Domne benedícere.

Benedictio.

Dies, & actus nostros in sua pace disponat Dóminus omnípotens.

R. Amen.

Lélio brevis.

Cor. I. 13.

Cháritas pátiens est, benígna est, non æmuláatur, non agit pérperam, non inflátur, non est ambitiōsa, non querit quae sua sunt, sed quae Jesu Christi.

Tu autem Dómine miserere nobis.

R. Deo grátiás.

℣. Adjutórium nostrum in nómine Dó-

mi-

In Festo S. Pilippi Nérii. 73

mini.

R. Qui fecit cœlum, & terram.

℣. Benedícite.

R. Deus.

Benedictio.

Dóminus nos benedicat, & ab omni malo défendat, & ad vitam perdicat ætérnam: & Fidélium ánimæ per misericordiam Dei requiéscant in pace.

R. Amen.

AD TERTIAM.

Pater noster, Ave María. ℣.

DEUS in adjutórium meum inténde.
R. Dómine ad adjuvándum me festina.

Glória Patri. Sicut erat. Allelúia.

Hymnus.

NUNC sancte nobis Spíritus,
Unum Patri cum Fílio,
Dignare promptus íngeri
Nostro refúsus péctori.
Os, língua, mens, sensus, vigor,
Confessiōnem páronent,
Flammescat igne cháritas,

Ac-